



RESOLUCIÓN DA DIRECCIÓN XERAL DE SIMPLIFICACIÓN ADMINISTRATIVA E DO PATRIMONIO, POLA QUE SE DECLARA Á COMUNIDADE AUTÓNOMA DE GALICIA HERDEIRA *AB INTESTATO* DE DONA GLORIA CABRERA ÁLVAREZ.

Antecedentes.

Por resolución do 4 de xullo de 2024, acordouse a incoación do procedemento administrativo para a declaración da Comunidade Autónoma de Galicia como herdeira *ab intestato* de dona Gloria Cabrera Álvarez (ABI/2018/0014).

A citada resolución publicouse no Boletín Oficial do Estado (Supl. N. nº178 do 24.07.2024), no Diario Oficial de Galicia (DOG nº140 do 19.07.2024), na páxina web da Consellería de Facenda e Administración Pública, e foi exposta no taboleiro de anuncios dos concellos da Coruña e de Culleredo por prazo non inferior a trinta días naturais.

Constan no expediente os correspondentes certificados de defunción e derradeiras vontades relativos á persoa causante, nos que se acredita o seu falecemento o 29 de xuño de 2015 en Culleredo, e que tiña outorgado testamento no que instituía herdeiros e legatarios, se ben os designados herdeiros repudiaron a herdanza e algúns dos legatarios renunciaron ó seu legado. Así mesmo, figura igualmente incorporado certificado do seu empadramento no Concello da Coruña, quedando xustificada formalmente a súa veciñanza civil galega.

Durante a tramitación do procedemento non se teñen recibido alegacións, documentos ou outros elementos de xuízo que cuestionen a sucesión a favor da Administración autonómica, o que corrobora o informe emitido ao efecto pola Policía Autonómica de Galicia e as manifestacións de terceiras persoas unidas ao expediente.

Das consultas efectuadas perante o Catastro Inmobiliario, no Índice Xeral Informatizado de Predios e Dereitos do Rexistro da Propiedade e por outras fontes, determinouse, en principio, que ao menos forman parte do cadal hereditario da persoa finada os bens e dereitos que se adxudican no punto segundo desta resolución, sen prexuízo da inclusión daqueles outros que se identifiquen con posterioridade a esta declaración como de titularidade da persoa causante.

A Asesoría Xurídica da Consellería de Facenda e Administración Pública emitiu informe sobre a adecuación e suficiencia das actuacións practicadas para a declaración da Comunidade Autónoma como herdeira *ab intestato* da persoa causante.

Fundamentos xurídicos.

Lei 2/2006, do 14 de xuño, de dereito civil de Galicia, artigos 267 e seguintes.

Código civil, artigos 657 e seguintes.

Dirección Xeral de Simplificación Administrativa e do Patrimonio
Edificios administrativos - San Caetano s/n
15781 Santiago de Compostela





Lei 33/2003, do 3 de novembro, do patrimonio das Administracións públicas, artigos 20 .6 e 20 bis .8.

Lei 6/2023, do 2 de novembro, do patrimonio da Comunidade Autónoma de Galicia, Título III, artigos 147 e seguintes.

Lei 39/2015, do 1 de outubro, do procedemento administrativo común das Administracións públicas.

Decreto 141/2024, do 20 de maio, polo que se establece a estrutura orgánica da Consellería de Facenda e Administración Pública, artigos 14 e 16.

Segundo o anterior,

RESOLVO:

Primeiro.- Declarar á Comunidade Autónoma de Galicia única e universal herdeira *ab intestato* de dona Gloria Cabrera Álvarez, con DNI: 32.111.284-H, entendéndose legalmente aceptada a herdanza a beneficio de inventario.

Segundo.- Adxudicar á Administración autonómica os seguintes bens e dereitos da herdanza identificados:

a) Bens inmobles:

- Piso quinto do edificio nº3 da rúa Vila de Negreira da cidade da Coruña, cunha superficie construída segundo o Catastro Inmobiliario de 90 m2.

Forma parte da referencia catastral: 7217003NJ4071N0001SM.

Valor catastral estimado: 37.768,90 €

Inscrición rexistral do soar: Rexistro da Propiedade da Coruña nº1, tomo 428, libro 428, folla 213.

b) Contratos e outros efectos bancarios:

- Abanca, conta de aforro:	2080 0007 9430 0008 0849
- Abanca, conta de aforro:	2080 0024 1630 0009 0131
- Abanca, conta a prazo:	2080 0007 9638 1003 8585
- Banco Santander, conta:	0238 8182 0700037294

c) Contratos de seguros:

- Caja de Seguros Reunidos CASER, póliza: 23832-02074807-02104925-32111284H

Terceiro.- Publicar a presente resolución no Boletín Oficial do Estado, no Diario Oficial de Galicia e na páxina web da Consellería de Facenda e Administración Pública, área temática de Patrimonio, Anuncios, que se pode consultar na seguinte ligazón: <http://www.conselleriadefacenda.es/areas-tematicas/patrimonio/anuncios>.





A resolución será remitida para a súa exposición pública no taboleiro de anuncios dos concellos da Coruña e de Culleredo, por prazo non inferior a trinta días naturais.

Esta resolución poderá ser recorrida por infracción das normas sobre competencia e procedemento mediante recurso de alzada, no prazo dun mes, perante o conselleiro de Facenda e Administración Pública, de conformidade cos artigos 112 e seguintes da Lei 39/2015, do 1 de outubro, do procedemento administrativo común das Administracións públicas.

Os que se consideren prexudicados en canto ao seu mellor dereito á herdanza ou noutros dereitos de carácter civil por esta declaración ou pola adxudicación de bens a favor da Comunidade Autónoma de Galicia que se contén nesta resolución, poderán exercer as accións pertinentes perante o órgano da xurisdición civil correspondente.

Santiago de Compostela, á data da sinatura electrónica.

O director xeral de Simplificación Administrativa e do Patrimonio
José María Barreiro Díaz

